



# Taulogologo

## O NOVEMA LE MASINA MO AGAGA UMA

NOVEMA 2018

O Novema, le masina mo Agaga Uma, ua tu'uina maia se avanoa mo i tatou e tomanatu ai i le loloto o le misitelio o lo tatou fa'atuatuaga e pei ona fa'ataatai iā i tatou ta'ito'atasi ona e leai se isi e mafai ona sao mai le tulaga o le oti.

Pe na tatou fa'atasi atu talu ai nei ma sē e alofagia ua ulufale atu i le faitoto'a e maofa ma le misitelio, po'o lo'o manatuaina ni uō ma aiga ua fai i lagi le latou faigamalaga i tausaga ua tuana'i, ua tatou fa'aoga ai lenei avanoa e le gata e tatalo ai mo latou, ae fa'apea ona tomanatu po'o le ā le uiga o nei mea uma. Ona a o'o mai o tatou taimi tatou te uia ai fo'i lenā 'auala, e ao ai ona tatou sauniuni. E le mo tatou lava, ae mo tatou aiga ma uō o le a mafatia ma fa'anoanoa pe 'a tatou pa'ū'ū ifo ma lē toe gaiōi i o latou luma. O le oti o se lu'itau tele lea o le olaga nei, o se lu'itau e ao ona tatou sapaia mai ma le mautinoa ma le loto i ai pe afai tatou te fa'ataunu'uina o tatou itu tagata na fa'ae'eina mai e le Atua.

E faigatā ona talanoa i le "mea" sao e uiga iā i latou ua maliliu. "Ia malōlō atu o ia i le filemū"; "ua mala-ga atu i se nofaga e sili atu"; "o le a misia i latou"; O nei fa'aupuga uma e moni, ma o le a oge upu i tatou i le feagai ai ma lenei mea. Atonu na o le fai salamo e mafai ona mauaina le fua o nei mea: "Mai le loloto ua ou tagi atu ai iā te 'oe..." Sa tusia e se tama'ita'i se tusitusiga matagofie mo se pepa Katoliko e uiga i se olaga lelei ua fusifusia e se maliu lelei. O le autū o lana mataupu e le tatau ona tatou mafaufau i lenei olaga e leai se uiga i le fa'atusa atu lea i mamalu o le olaga o lo'o fa'atali mai, ae ia famaopo ma aofia o tatou fa'amoemoe mo le toetu iā tatou tāga ma gaiōiga o lo'o fa'aioa mai ai ma ia fa'amanatu atu ai i isi. Ma ia tatou manatuaina mea lelei, o taimi matagofie, le agalelei o lē ua maliu, ona o na mafaufauga e le gata e "fa'aolaola" ai pea i latou mo tatou, ae e fesoasoani fo'i mo tatou e fa'aauau ona ola e pei ona latou manana'o i ai mo tatou: po'o se isi fa'aupuga sa'o lava, e pei ona ia faia i latou, ma tatou, e mana'o ina ia tatou faia. O tātā ta'itasi o le fatu, o le manavaina o le 'ea ta'itasi, ola i le Tino o Keriso, le Ekalesia, e a'afia ai le tino atoa, e ui i le fa'alilolio.

Ae ui i lea o le a tatou le fa'amaoni pe 'a tatou le feagai atu i le moni e o'o ava iā i latou ua sili atu le lelei ma le maoa'e, e le'i ola pea i se taunu'uga mamana na totoina i o tatou agaga. O tatou uma lava o tagata agasala – e o'o lava i agaga mamalu ua tatou fa'amanatuina i le sulufaga o Agaga Uma. O le fa'alau'iteleina o lenei mea, o lona aiseā ma le fa'apefea i se tagata ta'ito'atasi, e le o ni a tatou pisinisi, a o le Atua. O le mafuaga lea e tatau ai ona 'auna ne'i fuaina se tagata ua alu i le lagi, po'o Ifeli, ae ia fa'aauau ona tatalo mo latou agaga i lenei olaga atoa.

O lenei fa'amasinoga lē tauavea, na faia ma le loto maualalo ae le'i iloaina mea uma i le tulaga o le fa'amasino alofa a le Atua, na mafua ai ona tatou talanoa i le Pulekatolio. Ua valo'ia e se ali'i e igoa ia Denta, o agaga uma i Pulekatolio (ua tatou ta'ua "o agaga pa'ia") ua fiafia. E lē o lilivau o latou nifo i le nofo a'i i Pulekatolio, le tigā, ma le taumafai e tau'ave lea nofoaga. O la latou i ai i Pulekatolio ua tasi ma lo latou alofa: o se alofa ua fa'amautuina ma le fa'anaunau ina ia fa'ataunu'u ina ia mafai ai ona ulufale atu ma le talafeagai i le afio'aga o le Alofa: le olaga o le Tasitolu Pa'ia, ua na o ia e mafaia ona aumaia le uiga i mafutaga ta'itasi uma ua tatou olaina ma fiafia ai, ma e fa'apena fo'i ona fa'anoanoa ai i lenei olaga fa'alalo nei.

Manuia lenei masina ua savalia

## AFIOGA KATINALE JOHN DEW



### UŌ PELEINA

I nai aso ua tuana’i, sa fa’amatala e se tama’ita’i i se fa’apopotoga sa matou i ai se mataupu tau a’oa’oga sa ‘au atu i ai ma nisi tagata, e ‘a’afia ai se ulugali’i mai Farani. A o talatalanoa i latou, sa fa’apea mai le ulugali’i Farani o la’ua o ni Katoliko, ma ona fa’apea mai lea o le tane, “O la’u avā e

Katoliko.” Ona fesili atu lea i ai o se tasi o tagata Farani asiasi, “O ‘oe o se Katoliko o lo’o GALUE?”

O lenei tala na fa’amatalaina mai iā i matou, e pei ona fai mai lenei tinā, o le tele o tagata e fa’apea mai, “O oe o se tagata e faia pea gaoiga fa’a – Katoliko? O lo’o talanoa mai le tinā lea i mataupu o lo’o talanoaina pe a tomanatu i “Tausimea (Stewardship) – o se Tali Fa’aso’o.”

O le Tausimea po’o le Stewardship, e pei ona tatou talanoa so’o ai i le tatou pulea’aga mo nai tausaga ua te’a, o lona uiga mo tatou o le fesoasoani lea o le tasi i le isi ina ia ola lo tatou fa’atuatua i aso ta’itasi o tatou olaga. O lona uiga ia GALUE e pei o tama’ita’i ma ali’i ua fa’amealofaina e le Atua i ‘auala ‘ese’ese. O le fa’aogaina o le upu GALUE ua ou toe mau manatu ai. Ou te matea e mafai ona tatou fa’apea i nisi o taimi o tagata e faia gaoiga fa’a-Katoliko, o GALUE? Atonu e o i Misasa i aso Sa, ae o GALUE?

Ona o Katoliko ua vala’auina i tatou:

olaina lo tatou fa’atuatua  
alolofa i e matitiva  
‘a’apa atu i tua’oi o lo’o tauivi ma lenei olaga  
tatalo ma talanoa po’o le ā le uiga o le Tala Lelei

O lona uiga o le faia o mea e pei o le sa’ilia o ni fale ma avatu le fesoasoani i tagata sulufa’i, fesoasoani iā i latou sa falepuipui ina ia toe fa’aofi mai i totonu o le sosaiete, fesoasoani i pili o a’oga mo aiga e le gafatia ia vaega. O lo’o tele ‘auala ‘ese’ese e mafai ona tatou galulue ai ma ola a’i lo tatou fa’atuatua.

A tatou mafaufau pe fa’apefea ona tatou tali atu i aso ta’itasi, i tulaga i aso uma o le lenei olaga atonu e fesoasoani mo tatou pe a fesiligia tatou lava pe o fa’apefea ona tatou filifili ona tali atu i tagata ma mea o lo’o tutupu e pei oni so’o a Iesu. Ia manatua pea o se so’o o sē o lo’o “fia malamalama,” o tatou o lo’o fia malamalama pea i le uiga o le tali atu fa’aso’o. O fa’amanuiaga ua tatou maua ona ua tatou faia fa’atasi lenei, o tatou o ni totino o le fa’apopotoga o le fa’atuatua, po’o ni fa’apopotoga se tele, o lo’o lagooni malosi ai lo tatou fa’atuatua. O le avea o i tatou ma totino ua mafai ai ona tatou lagolagosua i le tasi ma le isi a o tatou sa’ili pe fa’apefea ona GALUE.

Fa’atasi ai ma tatalo ma fa’amanuiaga

+ Ioane

## FAITAU LE TUSI PA’IA O LE EVAGELIA A LUKA

O le Evagelia a Luka ma le Tusi o Galuega oni tusitusiga ia e lua ua fa’amatalaina se tala e tasi, o le fa’asalalauina ole Tala Lelei. O tala uma ia e lua o lo’o fa’a’atu i se faiga fa’apitoa i se “uō a le Atua” fa’atasi ai ma le suafa o le *kratistos*, “mamalu”. Pau i latou ua fa’aoga i ai lenā suafa i le tala o Felise ma Festus, o Kovana a Kaisara. Ua tatou iloina na fa’atasi Luka ma Paulo i Kaisareia mo le lua tausaga, ma o Filiki na sa’ili e uiga i le fa’atuatua (Galuega 24: 26 – 7) – pe na amata ona tusitusi Luka mo sona lava lelei? Afai o lea, atonu sa alu atu i le nu’u o Nasareta e feiloa’i atu iā Maria, ma fa’alogologo i ni tala matagofie o le Fa’aaliga, le Asiasiga, ma le Fanau mai a lo Tatou Ali’i, sa ia tusitusia i le faiga na tusia ai le Feagaiga Tuai. Mo Luka o le ituaiga o lo’o faia e le ‘au tusitusi o le Feagaiga Fou: e tusa ma le fa’aeteete ma e filifili lelei le faiga e talafeagai ma lea tulaga. Na a’oa’oina lelei i Eleni, ma sa masani lelei i le Feagaiga

Tuai. Fai mai nisi o ia o le Kalilaia, o le tasi o le 72 o “isi” na fa’apa’iaina e Iesu (Luka 10), atonu fo’i o se tasi na feiloa’i atu i le Ali’i i Emau, ae fai mai isi e sau mai Troy, na fanau i Eleni. Ae mautinoa lelei na fa’atoā fa’atasi ma Paulo ina ua uia Troy, ona fa’atoā amata ai ona fa’apea mai “matou” (Galuega 16: 10).

O vaega maoa’e o le Evagelia o le malaga, e pei ona alu atu le Ali’i i luga mai Kalilaia aga’i atu i Ierusalem. Mo lenei fa’amatalaga na tu’u fa’alelei e Luka ni tusitusiga mai isi puna’oa ‘ese’ese, ona sa ia fa’apea mai, “e to’atele ua taumafai ona tusi fa’asolo le tala i mea ua mae’a ona faia i o tatou luma (Luka 1: 1). O tala o fa’amalologa, ma tala fa’ata’oto ua pito sili ona lauiloa, ua fesoasoani iā i tatou e malamalama lelei ai iā Iesu ma lana Galuega Tala’i. Ua tatou feiloa’i atu ai i le ala i Aposetolo ma isi o so’o, ma ua tatou va’ia i latou ua auina atu e sauniuni mo le afio mai o le Ali’i. O fafine mai Kalilaia na feso’ota’i atu i se fa’apopotop-

## FAITAU LE TUSI PA'IA O LE EVAGELIA A LUKA

toga ma sa latou tausi atu i ai.

Ua fa'aulufale mai lo tatou Ali'i i Matū, te'ea e Saute, ma i le va lea e le'i fa'atuatuaina e Samaria. A o i Ierusalem, i le lotolotoi o latou mai Saute, na valo'ia ai e Iesu le fa'aletonu o le a sau, le fa'aleagaina o le 'A'ai ma le Malumalu, o le fa'ata'oto lea o le Uma o le lalolagi. O nei mea uma o lo'o tusia i le faiga e tutusa ma Mataio, ae ua polesi fa'alelei. O nisi o vaega o tusi-tusiga ua toetiiti lava si'i mai o le upu i le upu e pei o Mareko po'o Mataio, ma ua tele le vaitusi ua ma'imau i le tau fa'amasinoina po'o ai na kopi mai iā ai.: o le mea moni lava i se aganu'u ua fa'atāuaina a'oa'oga i le tu'u gutu ma le tauloto, o tala sa fa'amatala ma toe fa'amatala e latou uma na a'oa'o ma latou na tala'ia le Tala Lelei. A o puna'oa a Luka sa 'a'afia ai ma latou na molimau va'ai sa lē mailoa e Mataio po'o Mareko,

fa'apea ni tala sa ia tu'u fa'atasia mai lo tatou Tinā.

Ona o Luka ua ia fa'amāmā maia le fa'amatalaga o le Pasio, le toe fa'apipi'ina o le taliga a Peteru lea na tipi 'ese, le fa'amagaloina o le gaoi ua salamō. Ua na o Luka ua tatou fa'alogo ai i le Ala i Emau, ma le Afio a'e a lo tatou Ali'i i le Lagi. Ona o nei mea ua iā te ia se lauiloa e agamalū ma le lē matuiā o ana fa'aupuga mai le isi tusi Evagelia, fa'apea ai ma le manaia o le ata ua tu'uina mai o le Ali'i.

## SAGATO JOSAPHAT- EPIKOPO MA LE MALETILE (1580? – 1623)



I le 1967, o ni ata o Pope Paulo VI o lo'o fusi mai Athengora I, le Pateriaka Orthodox a Constantinople, o se fa'aailoga mata'ina o se la'asaga aga'i i se fa'aleleiga o se fevaevaea'iga o Kerisiano ua faitau le iva o seneturi.

I le tausaga 1595 a o laititi o ia, o le epikopo Orthodox o Brest-Litovsk (sa ta'uta'ua i le Taua lona Lua a le lalolagi) i Lithuania fa'atasi ai le isi epikopo e to'alima ua fai ma sui ole miliona o tagata Lithuania sa sa'ili se tu'u fa'atasiga ma Roma. O John Kunsevich (o Josaphat na avea ma ona igoa fa'alelotu) sa tu'u atu atoa lona olaga ma puapuga i lona maliu i lea lava fa'amoemoe. Na fanau i Polani, ma sa galue i Wilno ma na tosina e faife'au na mulimulita'i le Union of Brest. Na avea o ia ma monike o le ituaiga o Basilian, ona avea ai lea ma ositaulaga, ma na lauiloa o se a'oa'o ma sa mulimulita'i i le olaga o le fai mea tigā.

Na avea ma epikopo o Vitebsk (ua avea ma vaega o Lusia) a o talavou lava o ia, ma sa feagai ma ni tulaga faigata tele. O le tele o Talitonuga, ona o le mata'u i le aiā ma le mulumea i sauniga ma aganu'u, na le mana'o ai e fa'atasia ma Roma. I le fa'atinoa o sinoti, a'oa'oga o le kapite, fa'afouga o le ituaigasa ma fa'ata'ita'iga mai iā ia lava, e ui i lea, sa mafai e Josaphat ona tosiga mai le tele o vaega a le Orthodox i

Lithuania i se fa'atasiga.

I le tausaga na soso'o ai sa fa'avae ai se vaega fa'atu'i'ese e le au fai tofi maualuluga, ma o ia sa feagai ma na fa'asalalauina ni tu'ua'iga o Josaphat ua 'alu i le fa'alatina; ma o ona tagata uma e ao ona faia fa'apea. Sa le'i lagolagoina ma le fiafia e epikopo Latina a Polani.

E ao i lapata'iga, ae sa malaga atu pea i Vitebsk, o se nofoaga sa malosi ai le vevesi. Sa taumafai nisi e fa'atupu ni fa'alavelave ma tuli 'ese o ia mai le pule'aga: sa fa'atonuina se faife'au e fa'aleo tele i ni upu masoā mai luma o lona fale. Ina ua fa'ate'a e Josaphat o ia ma tapunia le fale, sa taina e latou sa tete'e le logo o le fale tele ma na potopoto mai ai le to'atele o tagata. Na tatala le faife'au, ae na o atu fa'amalosi le motu o tagata i le fale o le epikopo. Na sasina lona ulu i se tao e pipi'i ai se to'i, ona fanaina lea ma togi lona tino i le vai tafe. Sa maua mulimuli ma o lo'o teuina i Biala, i Polani. O ia o le ulua'i Sagato mai le Ekalesia i Sasa'e na fa'apa'iaina e Roma.

Ina ua vavae 'ese Polani, sa fa'amalosia e Lusia ona tu'u fa'atasia le to'atele o Ruthenians i le ituaiga o le Orthodox a Lusia





**"IA VI'IA OE" (LAUDATO SI' – Pope Falanisisi)**

**II. O LE ATAMAI O TALA FA'ALE-TUSI PAIA.**

69. Fa'atasi ai ma la tatou matafaioi e fa'aaoga tatau ai oloa a le lalolagi, ua vala'auina i tatou ina ia tatou iloa o isi tagata ola e taua i latou lava i le silafaga a le Atua: "e ala i lo latou olaga, latou te fa'amanuiaina o ia ma avatu ia te ia le vi'iga", ma e moni lava, "e fiafia le Alii i ana galuega uma" (Salamo 104: 31). Ona o lo tatou mamalu tula-gaese ma le tatou meaalofa o le atamai, ua vala'auina ai i tatou e fa'aaloalo i le foafoaga ma ona tulafono na faia ai, auā "o le potō na fa'avaeina ai e le Alii le lalolagi" (Fa'ataoto 3:19). I o tatou taimi, e le na o le Ekalesia e fa'apea o isi meaola e toilalo ato'atoa i le lelei o tagata soifua, e peisea'i e leai se latou aoga iā i latou lava ma e mafai ona faia e pei ona tatou mana-nao i ai. Sa a'oa'oina epikopo Siamani e fa'apea, o le mea o lo'o popole i ai isi meaola, "e mafai ona tatou mua'i tautala i le *ola* nai lo le *ola aoga*." I le Katekesi-mo o lo'o manino ma malosi lona faitioina o le fa'asoesa o le tu i le ogatotonu o le tagata: "E tofu le meaola ma lana lava meatotino e lelei fa'apitoa ma le ato'atoa ... O meaola eseese uma, e lotomalie ia te ia lava, o se ave susulu o le atamai lē fa'atuāoia ma le agalelei o le Atua. O le mea lea e tatau ai i le tagata ona fa'aaloalo i le agalelei fa'apitoa o meaola uma, ina ia aloese mai so'o se fa'aaogaina lē tatau o mea."

70. I le tala ia Kaino ma Apelu, tatou te iloa ai le mataū'a na taitaiina ai Kaino e faia le fa'amasinoga lē tonu i lona uso, lea na motusia ai le mafutaga i le va o Kaino ma le Atua, ma le va o Kaino ma le lalolagi lea na tulieseai ai o ia. E manino lenei va'aiga i le taulafoga mata'utia i le va o le Atua ma Kaino. Ua fesili le Atua: "O fea oi ai Apelu lou uso?" Na tali atu Kaino na te leiloa, ma na toe fetalai le Atua: "O le a lau mea na fai? O le leo o le toto o lou uso o lo'o tagi mai ia te a'u mai le eleele. Ma o lenei ua fetu'uina oe mai le eleele" (Kenese 4: 9-11). Ua lē amanaia le tiute o le atina'e ma tausi le mafutaga lelei ma lo'u tuaoi, ona o le tausiga ma le pui-puiga o la'u matāfaioi, ua fa'amuta ai la'u mafutaga ma a'u lava, ma isi, fa'atasi ai ma le Atua ma le lalolagi. Afai e lē amanaia nei so'otaga uma, pe a lē toe maua le fa'amasinoga tonu i le fogāele'ele, ua ta'u mai e le Tusi Paia ia i tatou ua lamatia lava le ola. Tatou te va'aia lenei mea i le tala ia Noa, lea na fa'amata'u ai e le Atua le ave'esea o le

tagata ona o lona to'ilalo pea e fa'ataunu'u manaoga o le fa'amasinoga tonu ma le filemu: "Ua ou filifili e fa'aumatia tagata uma; auā ua tumu le lalolagi i le sauā ona o i latou" (Kenese 6:13). O nei tala anamua, ua tumu i fa'aailoga, e molimau pupula i se ta'utinoga lea tatou te fa'asoa i aso nei, o mea uma e feso'ota'i, ma o le tausiga moni mo o tatou lava olaga ma o tatou so'otaga ma le natura e lē mafai ona tu'uese'eseina mai le fa'aleuso, le fa'amasinoga tonu ma le fa'amaoni i isi.

71. E ui lava "ua sili le amioleaga o le tagata i le lalolagi" (Kenese 6: 5) ma ua "salamō foi le Ali'i ina ua ia faia le tagata i le lalolagi" (Kenese 6: 6), ae peitai, e ala mai ia Noa, o lē sa tumau i le lē nofosala ma le amiotonu, na finagalo le Atua e tatalaina se ala o le fa'aolataga. I lenei ala na ia tu'uina atu ai i tagata le avanoa mo se amataga fou. Pau lava le mea e tasi o se tagata lelei e toe fa'afouā le fa'amoemoe! O le agaifanua a le Tusi Paia o lo'o fa'aalia manino ai o lenei fa'afouā e aofia ai le toe fa'aleleia ma le fa'aaloalo i le maliega na tusia i le natura e le a'ao o le Atua Foafoa. Tatou te iloa lenei mea, mo se fa'ataitaiga, i le tulafono o le Sapati. I le aso lona fitu, na malolo ai le Atua mai ana galuega uma. Na ia poloa'iina Isaraelu ina ia fa'ata'atia ese aso fitu taitasi e avea o se aso malolo, o se Sapati (Kenese 2: 2-3, Eso-to 16:23; 20:10). E talitutusa, o tausaga uma e fitu, o se tausaga fa'asapati na fa'ata'atia ese mo Isaraelu, o se malologa aoao mo le laueleele ( Levitiko 25: 1-4), lea e fa'asaina le lūlū ae na'o le tasi e seleseleina le mea e tatau ona ola ai ma fafaga ai le aiga (Levitiko 25: 4-6). Mulimuli ane, ina ua mavae le fitu vaiaso o tausaga, o lona uiga o le fasefulu-iva tausaga, na fa'amanatuina ai le Iupeli o se tausaga o le fa'amaga-loga lautele ma le "sa'olotoga i le laueleele atoa mo tagata uma e nonofo ai" (Lev 25:10). O lenei tulafono na o'o mai o se taumafaiga e fa'amautinoa le paleni ma le talafeagai i a latou fegalegaleaiga ma isi ma le fanua na latou nonofo ma galulue ai. I lea lava taimi e tasi, o se fa'aailoaina atu o le mea'alofa o le lalolagi ma ona fua e mo tagata uma lava. O i latou o e na galueā'ina ma tausua le fanua, ua tatau ona latou fa'asoaina ona fua, aemaise lava i e matitiva, ma fafine ua oti a latou tane, o tamaiti matuaoti ma tagataese ua i o latou lotoifale: "A e seleseleina le seleselega o lou fanua, 'aua e te seleselea uma ou pito fanua, 'aua fo'i ne'i e aoina fua pau'u pe a uma le seleselega. 'Aua e te ave'esea lau tovine, 'aua foi e te fa'aputu fua ua pa'u'u o lou tovine; a ia e tu'u ai mo e matitiva ma tagata ese" (Lev 19: 9-10).

72. I le Salamo e masani ona apoapoa'i mai ia i tatou e vi'ia le Atua Foafoa, "o lē na fofola le lalolagi i luga o le vai, auā e fa'avavau lona alofa" (Salamo 136: 6). Latou te vala'auina fo'i isi meaola e auai fa'atasi ma i tatou i lenei vi'iga: "Vivi'i atu ia te ia, le la ma le masina, viv'ii atu ia te ia, outou fetu uma o le susulu! Vivii atu ia te ia, outou lagi maualuluga, ma outou vai i luga a'e o le lagi! Ia outou vivi'i atu i le suafa o le Alii, auā o ia ma fetalai ane, ona faia foi lea o i latou" (Salamo 148: 3-5). E le gata ua tatou i ai i le mana malosi o le Atua; ae ua tatou ola foi

fa'atasi ma ia fa'apena i ona autafa. O le mafua'aga lea tatou te tapua'i ai ia te ia.

73. O tusitusiga a le au perofeta ua vala'aulia i tatou ina ia maua le malosi fa'afouina i taimi o tofotofoga e ala i le mafaufau loloto i le Atua le ona le malosi uma lava na faia le atulaulau. Peitai o le mana lē fa'atuāoia o le Atua e lē ta'ita'ia i tatou e sosola ese mai lona agaalofa fa'atamā, auā o ia ua tu'ufa'atasia ai le alofa ma le malosi. E moni, o leo uma fa'aleagaga e aofia fa'atasi ai le fa'afeiloa'iga o le alofa mamana ma le tapua'iga, le mautinoa i le Ali'i ona o lona mana e fa'avavau. I le Tusi Paia, o le Atua o lē fa'asaoloto ma lavea'i, o le Atua lava lea e tasi na foafoaina le atulaulau, ma o nei auala mamana e lua o le fa'atinoga e vavalalata ma e lē mavavae'eseina le so'otaga: "Auē le Alii e le Atua! O oe na e faia le lagi ma le lalolagi i lou malosi tele ma lou a'ao fa'alooaloa! E lē faigata foi ia te oe se mea e tasi ... Na e aumaia foi lou nu'u o Isaraelu mai le nu'u o Aikupito ma fa'ailoga ma vavega" (Jer. 32:17, 21). "O le Atua o le Atua o le vavau, o lē na faia tulu'iga o le lalolagi. E lē vaivai pe tigaina foi o ia; o lona mafaufau e lē masu'esu'eina. Na te avatua le malosi i e ua vaivai, ma fa'amalosia i latou ua vaivai" (Is 40: 28b-29).

74. O le tomai fa'atagataotaua i Papelonina na fa'aosofia ai se fa'afitauli fa'aleagaga lea na ta'ita'ia atu ai ina loloto le fa'atuatua i le Atua. O lenei, o lona mana foafoa ua tu'uina atu i ai le fa'aeaea i nofoaga ina ia mafai ona apoapoa'i atu ai i tagata ina ia toe maua lo latou fa'amoemoe i le lotoifale o latou tulaga leaga faigata. I senituri mulimuli ane, i nisi tausaga o tofotofoga ma sauāga, ina ua saili le Malo o Roma e fa'amalosia lana pulega aoao, na toe maua ai e le au fa'atuatua le fa'amafanafanaga ma le fa'amoemoe i le fa'atupula'ia o le fa'alagolago i le Atua e ona le malosi uma lava: "E maoa'e ma ofoofogia au galuega, Le

Ali'i e, le Atua e ou le malosi uma lava. E tonu ma moni ou ala! "(Fa'aaliga 15: 3). O le Atua na faia le atulaulau mai le leai, o se mea e mafai foi ona talafeagai i lenei lalolagi ma fa'atoilaloina ituaiga o mea leaga uma. O faiga lē tonu e lē manumalo.

75. O se tulaga fa'aleagaga e galo ai le Atua e ona le malosi uma lava fa'apea le Atua Fofoa e lē taliaina. O le ala lea na i'u ai ina tatou tapua'i atu i malosiaga fa'ale-lalolagi, po'o le tatou faoa o le tulaga o le Atua, ua o'o atu lava i le faoaina o le tulaga o le aiā lē fa'atupula'aina e soli ai lana foafoaga i lalo o vae. O le auala sili e toe fa'aleleia ai ali'i ma tamaita'i i o latou tulaga moni, o le fa'amutaina lea o manatu o latou e pule tutasi i le fogaele'ele, o le toe fai atu tasi lea i le tulaga Fa'ale-Tamā na foafoaina ma ua na'o ia lava e ona le lalolagi. A lē o lea, e taumafai lava tagata ola e fa'amanumalo a latou tulafono ma fa'ananauga i luga o le mea moni.

*-- e fa'aauau pea ---- fa'aliliuina Falefou Sio*

## O SAKALAMETA I ASO NEI

Se'ia o'o mai i le 19 o seneturi o le malamlama'aga Katoliko i le telosia po'o le mataupu silisili, vivi'iga ma le Tusi Pa'ia e leai sona tala'aga. O mea na maua e tagata su'esu'e i tala fa'asolopito, latou na eli maia nofoaga anamua ma le 'au su'esu'e na fa'asolosolo ona latou fa'amatalaina o sauniga ma talitonuga sa le'i tutusa, ma ua matala ai ma se avanoa mo suiga i le lumana'i. Ole 'au filosofia fou na tu'uina maia le fesili o le 'au sikolasipi masani e le mafaia ona tali ma o le 'au tusitusi Katoliko ua amata ona su'esu'e 'auala po'o ni uiga o lenā lava vaitau e malamlamaina ai le lalolagi. O su'esu'ega i tala'aga o sauniga a le Ekalesia na o'o ai i se gaioiga mo ni 'auala fou e malamlamaina ai sauniga fa'asakalameta ma se fa'anaunauga e fa'afou ai i se uiga ma se iloa masani fa'apea a'oa'oga e pei o mataupu fa'asikolasipi.

Mo Katoliko, o le Fono Aoao o le Vatikano Lua (1963 – 1965) na fa'ailoga ai se vaitau fou. O tausaga mai le 1960 – 200 na va'aia ai le tele o suiga telosia Katoliko mai le fa' o seneturi talu le Fono Aoao i Trent. Sa

taumafai le 'au fai telosia e tau fa'amalamalama upu sa fa'aoga mai le amataga e fa'amatala ai sakalameta ma toe pu'epu'e mai le atamai na fa'apupula lelei ai na fa'amatalaga. Sa leai se fa'amatalaga sa atoatoa – e leai ni tali fa'atauva'a i le fesili, 'O le a le sakalameta?'

Mo Katoliko matutua o le uiga fa'akapite o sakalameta o ni 'fa'ailoga va'aia na fa'avae e Keriso e avatu ai kalasia' o lo'o masani ai lava. I nai taimi lata mai o le 'au fai telosia o sauniga ua fa'amamafa maia le fa'amautuina o fa'atinoga fa'asauniga o sakalameta, ma ua fa'aigoaina o 'gaioiga fa'asauniga' ma ua te'ea le malamlama'aga na sau ai o sakalameta o ni 'mea pa'ia' e fa'afoeina ma talia. Sa latou fa'amamafa le tāua o tusitusiga fa'asauniga, sa fa'aofuina le tele o talitonuga ogatotonu a le Ekalesia. Sa latou fa'ataunau fo'i ina ia maitauina le a'afiaga o sauniga, fa'apea le si'osi'omaga, o fausaga, tusitusiga, musika ma mea fa'apea o lo'o patipatia nei.

## O SAKALAMETA I ASO NEI

O nei mea uma ma nisi o atina'e, e ui i lea, sa maumaututū pea le 'au fai telosia o uiga fa'alelotu po'o misitelio ua fa'aalia ta'itasi e sakalameta e fitu o lo'o tumau pea e pei ona sau ai Kerisiano mai le amataga.

## MALAGA SA I LE PASILIKA O SAGATO PETELO

### Mafutaga o le Au Paia

*(Tusia e Patele James M Sullivan, o se fa'atonu o a'oa'oga faaleagaga I le Seminalio o Sagato Ioane i le nuu o Brighton, i le Setete o Massachusetts)*

*Fa'aliliuina e Lauano ILAOA*

O fa'atusa o sagato ma sagata, ua leva ona avea o se vaega taua ma aloaia i le soifuaga o le Ekalesia. O le tulaga va'aia ma le tino mai o ia fa'atusa, o se fa'amanatu taua mo lo tatou olaga fa'aleagaga, i le mavae atu o lenei lalolagi aemaise o le isi lalolagi e soso'o ai, lea o le a leai sona gata'aga. E pei ona silafia, o le Pasilika o Sagato Petelo i Roma, e matuā tele ma anoanoa'i fa'atusa 'ese'ese o lo'o iai totonu. O le tele o nei fa'atusa ua faitau fia senituri o iai, ma ua leva ona iai, ao lei taitai fausia le Pasilika ua iai nei. O nisi o fa'atusa, e aofia ai fa'atusa o Tupu Sa po'o Pope e lei matuā'i leva atu nei, e aofia ai Sagato Paulo VI, o Sagato Ioane Paulo II, ma Sagato Ioane XXIII, ae fa'apea foi ona aofia ai fa'atusa o nisi o Tupu Sa na muamua mamao atu, e pei o Sagato Leo le Sili (*St Leo the Great*), ma Sagato Kelekolio le Sili (*St Gregory the Great*). I lalo o nisi o aletale fa'apitoa i totonu o le Pasilika, o loo va'aia ai fa'atusa o Sagato Iosefatu, fa'apea Sagato Petelo, le uluai Ao o le Ekalesia i le lalolagi, ma o lona tu'ugamau, o loo i lalo ifo o le Aletale a le Tupu Sa (*Papal Altar*).

O le aso muamua o Novema i tausaga taitasi, le Aso o Agaga Pa'ia, e fa'amanatu mai ai ia i tatou, o lo tatou vala'auina ia avea ma tagata pa'ia, e tatou te tali atu ai i o tatou tino atoa ma agaga. O lo tatou fa'aaloogia o le fa'atusa o se Sagato, o lona uiga moni, ua tatou manana'o e fa'amalosia i o tatou loto le agaga ina ia auuuna ma tautua i le Alii ma o tatou agaga, tino ma le malosi atoa. O lea agaga o le a tumau lona malosi, e ui ole tino o le a vaivai ma fa'aosoosoina i le agasala. E ui ina ua i le Lagi agaga o sagato ma le au paia uma, ae o latou tino o loo tumau pea i le lalolagi nei, se'ia aulia le aso gata'aga, e toe tu'ufa'atasia ai le tino ma le agaga e fa'avavau. Tatou tatalo ina ia malosi le agaga tu'ufa'atasi o tagata uma, ina ia mautinoa o le lelei tatou te naunau iai, o le lelei lona tatou te fa'atinoina – ile alofa ma le agalelei o le Atua.

6

## SAUNIGA MASANI I LE MASINA O NOVEMA

### *Fa'aliliuina e Lauano ILAOA*

A 'o faasolo ina matua lo outou soifua ma lo matou ola, e fa'apena foi ona fa'asolo ina mamafa le taua o le o'o mai o Novema, o le masina o Agaga Paia. E aga'i ina fa'ateteleina le taua o ona sauniga mo tatou ta'itoatasi, 'ona o mafutaga ua motusia ma e pele i o tatou loto, lea ua fa'atusaina, e pei o le asuasua o se tafuna'i, ua asugia ma tiga ai o tatou mata.

Ua a'oa'oina tatou e fa'apea, o a tatou talosaga atoa ma amioga togisala e maua ai le fesoasoani mo ia aga-ga. Atonu e mana'omia lo tatou taumafai ia saga fa'aloloto le uiga moni o nei mea mo tatou o loo soifua. E leai se tasi e tatau ona mafatia, e leai foi se tasi e mafai ona saunia mo le Lagi i se tulaga

tuto'atasi. O tatou olaga e fesopoa'i ma feso'ota'i. O le tatou matafaioi, o le tau'ave o nei tiga i se tulaga aupito sili ona lelei, ina ia ofoina atu ai fa'atasi ma puapuaga ma le maliu tigā o Keriso. O le uiga o lea mea: ia faia ma le onosai ma le alofa aupito sili e tatou te mafaia. E leai se loloto o fa'anoanoaga, e lei utufia i le alofa o Keriso, ina ua ia fa'amaualalo ia te ia lava i tulaga aupito ofoofogia o le misitelio o le tagata soifua. O lona toetu manumalo mai le oti, ua tatou toe tutū uma ai foi.

O le mafatia ma le fa'anoaoaga ona o se tasi o le aiga ua maliu, e foliga o se mea ua le mafai ona lagona, ua tu'ufua ma ua leai; ua pei o le taumafai e va'ai i totonu "o se tioata nenefu". Peitai, o le fa'atuatua e atagia ai le tulaga moni: o tatou soifuaga e tumu i mea o le

## SAUNIGA MASANI I LE MASINA O NOVEMA

Taimi Nei. O latou ua motusia le tatou mafutaga, o loo tilotilo mai i le isi itu o le tioata nenefu lena, ma o latou silafia lelei lava le mea e tataua ona fai. O lea mea: pe ua tatou sauni mo le alofa uiga'ese o loo mumū i le agaga o le Atua? E pei ona molimau mai Pope Penitito i lana tusitusiga o le *Spe Salvi*: “O mea pepelo uma ma le fa'a'ole'ole e liu suavaia ia i luma o lana silafaga pa'ia. O lea feiloa'iga ma ia, e ui ina susunuina ma mu ai tatou, ae o le a suia ma fa'asa'olotoina ai tatou, ina ia mafai ona avea i tatou ma tagata ato'ato'a”

O le igoa o lena tulaga le ma'alofia, o Pulekatolio. Ma e amu'ia i tatou e maua le avanoa e a'afia ma auai i

leni la'asaga, fa'atasi ma e pele ia i tatou, e tusa lava po o fea le itu o le laina tuaoi e vaeluaina ai le ola ma le oti, e tatou te tutu ai. “Ia fiafia agaga mafatia uma, aua e saogalemu ma tu'ufa'atasia mea uma, i le silafaga a le Atua” (*The Dream of Gerontius*)

## TATALO MO AGAGA PAIA UMA I PULEKATOLIO

*Saunia e Patele John Cameron*  
*Fa'aliliuina e Lauano ILAOA*

O le Kaketisimo a le Ekalesia Katoliko, e fa'amanatu mai ai ia tatou, o le “oti o le muta'aga lea o le ola fa'aletino ma o le taimi lea e avanoa ai le talia poo le te'ena o le alofa silisili'ese o Keriso” (1021; *Timo 1:9-10*). O Agaga Pa'ia, o latou ia e “maliliu i le alofa ma le agalelei o le Atua” ae peitai, “e le'i fa'amamāina i latou...A uma le oti, ona fa'amamaina lea o i latou, ina ia maua ai le pa'iaga mana'omia e ulufale atu ai i le fiafia o le Lagi” (CCC 1030). O se vaega o le fiafia i le avea ma sui o le Ekalesia, o le avanoa lea e fesoasoani ai i Agaga Pa'ia ina ia ulufale atu i le Lagi. “E talia e le Ekalesia, mea alofa ma foa'i, atoa ma galuega togisala e faia, e fai masui o e ua maliliu” (CCC 1032)

O le mau a Sagata Katerina o Genoa (*St Catherine of Genoa*), i lana tusitusiga e faatatau i pulekatolio, “afai e aumai se agaga i luma o le Atua, ae o loo iai pea sina mea itiiti e ono ta'uleagaina ai o ia, e matua tele le

afaina o lea agaga” Ae o le mea mautinoa, “e matua fiafia Agaga Paia uma pe a latalata i le Atua. Aua o taimi uma e maua ai sina va'aiga pu'upu'u o le Atua, e matua sili atu lea nai lo le tiga ma le fiafia e maua e le tagata. E mafai ona manino lelei le vaai a Agaga Paia i le Atua ma le mu saesae o lona alofa mo i latou. O lea alofa, e fa'asolo ina malosia ma fa'aosofia ai agaga uma ina ia tuufatasia, o se mea aupitoa sili lea mo i latou. Tatou te faia amioaga togisala ma le fa'amoe-moe ina ia maua e Agaga Paia i Pulekatolio se avanoa fa'apea e silasila ai i le mamalu o le Atua.

O le fa'amalosi'au mo i tatou a Satago Aukusitino o loo fa'apea mai. “E le o se mea taumateina, o tatalo a le Ekalesia e fesoasani tele mo Agaga Paia uma, i Pulekatolio, ma e fa'aosofia ai le Ali'i ina silasila mo se fa'amagaloga o a latou agasala mamafa”

## LAY MINISTRY: A DEVELOPING AND GROWING REALITY

**TOFIGA O TAGATA LOTU: o se mea moni ua tupu ma taolaola**  
**(Tusia e Chris Richardson) Fa'aliliuina e Lauano ILAOA**  
**(fa'aauau mai le lomiga talu ai)**

### O le atiina a'e o tofiga

O nuu sa iloga ona malolosi o latou ta'ita'i atoa ma nuu sa tele ma 'ese'ese le fa'atulagana o latou tofiga, e pei ona tatou maua i le Feagaiga Fou, e mafai ona fai ma ata fa'ataita'i o le tau atina'eina mai o tofiga i totonu o le Ekalesia. O le itu e uiga i le mana'omia o

se faiga se tasi e laugatasia ai, ona o fa'afitauli mai fafo ma fa'afitauli fa'a-lotoifale, o se tulaga lea e le o tasi iai se manatu o le au fai tofa ma le au suesue o le Tala Lelei. E oo mai i le senituri lona tolu, ua mautū le fa'atulagana e aofia ai le *episkapos*/Epikopo e toatasi ma le vasega o *prebyteroi*/faifeau ma *diakono*/tiakono. O tofiga nei e tolu, e mulimuli ane tu'ufa'atasia i le vasega o Epikopō, Faifeau ma Tiakono, e pei ona o tatou masani ai i onapo nei. E foliga mai sa iai se faiga na fa'ae'eina ai ia tofiga ia i latou nei, e pei o le fa'ae'eina o lima i o latou ulu. E ui ina sa fa'atino e i latou nei galuega ma tiute patino i totonu o aulotu, ae lē o iai se fa'amaumauga e fa'amaonia ai sa manatu ia tagata, o latou e 'ese mai isi tagata o le ekalesia. Sa lei



iai se 'ese'esega tele i le va o le au failotu ma tagata lotu lautele, aua e lei iai i lea vaiitaimi le fa'atulagana, e pei ona iai nei tulaga tofi o le Ekalesia.

### O le au ositaulaga ma tagata lotu – o se oototoga o lona tala fa'asolopito

O le upu "Ositaulaga" (*Clerical*), e tupuga mai le upu Eleni o le *Kleros*, o lona uiga o le 'vili', e pei o le tala i le tusi o Galu 1.26 lea na fai ai le vili e saili ai se sui o Iuta ma "faasaga ai le vili ia Matatia",..Na mua'i fa'aaogaina le upu *Kleros* e fa'aigoa ai se vaega o sui aloaia i le tala ua fa'aulutalaina o 'Tu ma Aga Fa'a-Aposetolo a Ipolito' (*Apostolic Tradition of Hippolytus*), na tusia i le tausaga e CE 215. E le o iai se fa'amaumauga i le Feagaiga Fou e uiga i le vaega lea o sui aloaia, ae o loo fa'aaogaina le upu *Kleros* i le 1 Peteru 5.3, e faamatala ai tagata uma, na filifilia mo le Malo le Atua. O fa'aupuga, 'tagata lotu lautele' (*laity*), e le o se fa'aupuga o fa'aaogaina i le Tusi Paia, ae o loo aofia i tusitusiga pa'ia, le upu Latina o le *Laos*, ma o le uiga o lea 'upu, o tagata, e pei ona ta'ua, o "Tagata o le Atua", e iloa gofie ai le 'ese'esega ma tagata fa'apaupau.

### O le fa'a-ositaulagaina o tofiga

Sa fa'asolosolo malie ona tala le va o latou sa galulue fa'a-ositaulaga ma le lautele o tagata lotu. O le tulai mai o le faiga fa'a-monike i tausaga amata o le Vaeluaga o Augatupulaga (*Middle Ages*), na fa'aosofia ai le talitonuga e fa'apea, e na o se olaga mamā mai tulaga masani o le soifuaga nei, e mafai ai ona maua e le tagata soifua le pa'iaga atoatoa. E oo ane i le senituri e iva(9), ua u'unaia le vasega o faife'au ina ia taumafai e ola i se soifuaga e pei o le olaga o monike. O totonu o monaseri, sa iloga ona malosia ai le pule a le sa avea ma ta'ita'i, ma o lea tulaga atoa ai ma le tulaga o le ekalesia i le soifuaga o tagata lautele, na avea ma fesoasoani tele i le siitia o le tulaga o sui o le Ekalesia. Ua atili ai ona vava mamao le au ositaulaga ma tagata lautele.

O le Vaeluaga o Augatupulaga, aemaise lava i le vaiitaimi o Tupu Kerisiano ma le pulega a Emeperoa i malo Europa, sa matua aloa'ia ma fa'atauaina ai le vasega o Epikopo i totonu o le malo ma le atunuu ma sa tele ina o latou umia ni tofiga taualoa faalemalo. Sa tele ina aofia taitai o le ekalesia i le faatulagana aloa'ia o tofi i pulega ma faigamalo i na onapo. O le vasega o faifeau, sa maualuga atu ma lelei lo latou a'oa'oina nai lo le lautele o tagata o se malo, ma o le itu lea sa tulaga 'ese ai i latou mai tagata lautele.

Sa telē le a'afiaga o le soifuaga i le vaiitau o le Vaeluaga o Augatupulaga i mafaufauga ma filosofia fa'a-Palato (*Neoplatonism*), lea e iai le talitonuga, e vaevae i vaega le faasologa o tulaga mamalu, atoa ma le 'ese'esega tele i le va o le 'auositaulaga ma le soifuaga o tagata lautele. O le vasega o le au failotu poo le 'au ositaulaga (*ordo clericorum*), lea e fa'apitoa i mea fa'a-

-le-agaga, e maualuga atu nai lo le vasega o tagata lotu lautele (*ordo laicorum*), o latou ia, e patino i mea fa'a-le-lalolagi. E maioio matafaioi a vaega nei e lua. O le 'au ositaulaga fa'au'uina e feagai ma mea pa'ia po'o mea fa'a-le-agaga, a o tagata lotu lautele, e feagai ma mea fa'a-le-lalolagi. E oo mai i le fa'ai'uga o le senituri e sefulumaletasi, ua talitonu tagata, o faifeau e iai lo latou 'malosi fa'a-le'agaga' (*sacred power*), e feso'ota'i ma le latou matafaioi fa'apitoa o le tausaga o le Eukalisitia, ae le o se tofiga e auauna ai i tagata lautele. E oo mai le savaliga a le Ekalesia i le senituri e 20, ua matua mausalī le talitonuga o tagata lotu, ole 'ese'esega o matafaioi a le 'au ositaulaga ma tagata lotu lautele, o le 'finagalo lea o Keriso', e ui ina leai ni molimau mautū e lagolagoina ai lea tulaga.

### Toe fa'aolaina o tofiga mai le vasega o le 'au ositaulaga

E ui ina ua toe fa'aolaina mai e le Vatikano II, le tulaga lautele e avea ai tagata uma ua papatisoina ma ositaulaga ma soo o Iesu, atoa ma taumafaiga e fa'amamafaina ai le galulue faatasi o 'Tagata o le Atua', ae o le upu 'tofiga' i le Ekalesia Katoliko, o loo tele lava ina manatu tagata, o se mea e patino i e mau-tofi o le lotu, aemaise o e ua fa'au'uina.

E foliga mai, o so'o se tasi lava, e mafai ona vala'auina e auauna, ae lē o tagata uma e mafai ona vala'auina i se tofiga o le lotu. O le talitonuga masani, o le 'tofiga', e feso'ota'i ma sauniga lotu ma galuega fa'a-telosia, ae o tua mai i auaunaga a tagata lotu, o galuega ia fa'a-aposetolo. I le tusitusiga ua fa'aulutalaina, o le *Sacrosanctum Concilium (SC)*, o le upu 'tofiga', o se fa'alagina lea e ave i ē ua fa'au'uina, atoa ai ma tagata e fa'atinoina vaega o sauniga lotu, e pei o 'au'auna, faitau tusi, fa'amatala 'upu atoa ma sui o le aufaipese(SC29).

### Lē manino a'oa'oga e uiga i tofiga

Peitai la, e le o malosia tele ma tutusa le fa'aaogaina o lenei fa'aupuga poo se fa'alagina, e faalautele ai le fa'aaogaina o le upu 'tofiga' e fa'amatala ai le tele o galuega ma matafaioi ia e fa'atino ma tauave e tagata lotu lautele, po'o tagata e le'i fa'au'uina. O le finagalo o Pope Paulo VI, e mafai e tagata lotu lautele o le ekalesia ona fa'atino "ni tofiga 'ese'ese e tusa o meaalofa ma fa'amanuiaga a le Atua mo i latou" (*Evangelii Nuntiadi 73*). O se poloa'iga soso'o fa'atasi mai ni vaega autu se valu, o loo fa'atauaina ai le vala'au mo 'Tagata o le Atua', ina ia 'auai ma a'afia i le misiona ma le galuega a le Ekalesia e, 'auala i le galulue fa'atasi ma punoua'i i tofiga 'ese'ese ma le fa'amaoni' (*Ecclesiae de Mystero*). O le uiga moni o lea tulaga, ua fa'auau e tagata lotu lautele, le misiona ma le tofiga o Keriso, o le fa'apogai o tofiga uma. Ae peitai, o loo fa'apea mai foi lenei lava poloa'iga, o le atoatoa o le uiga moni o le upu 'tofiga', pe afai lea e fa'aaogaina e latou ua fa'au'uina. O loo fa'ailoa mai foi ile poloaiga lenei, 'galuega' patino i le vasega o tagata lotu lautele ma fa'atu mai, e fa'apea, o le



fa'aupuga 'tofiga', e ave lea i tulaga tofi ua iai le pule faataga a le Ekalesia e fa'atino ai e se tasi.

I lana tusitusiga e faatatau i le Tagata Lotu Lautele Fa'atuatua (*Christifidelis laici*) (CL), o loo fa'aalia manino ai e Pope Paulo VI le 'ese'esega o le aufaigaluega fa'au'uina ma tagata lotu lautele faatuatua, ae peitai, sa ia faamamafaina ai, e tatau ona maua le feavata'i 'mo isi tofiga, tulaga tofi ma isi matafaioi i totonu o le Ekalesia, e pei ona maua i Sakalameta o le Papatissoga ma le Kofilimasio' (CL23). I le isi ana tusitusiga, ua fa'aulutalaina o le *Encyclical Novo Millennio Ineunte* (MI), o loo ia talanoaina ai isi ituaiga o tofiga ia e mafai ona 'fa'avae aloa'ia po o le na ona amana'ia'. E taofi o ia, e aoga le tele ma taolaola o ia ituaiga o tofiga mo tagata lotu 'e talia ma faamalicia ai o latou mana'oga ma lavasiga e tele'. O loo ia ta'ua ai o nisi o ia mana'oga ma lavasiga, e aofia ai sutesuga faakatekisimo ma mataupu silisili ae fa'apea ai foi ma 'a'oa'oga mo tamaiti ma tupulaga' ma 'galuega fesoasoani alofa mo isi' (MI46)

### Tofiga lautele ma tofiga fa'apitoa

O le tele o le mau taofi ma le 'ese'ese o manatu o le au atamamai e tusa o le natura o le tofiga Kerisiano ma le tulaga le manino o a'oa'oga a le Ekalesia i lenei mataupu, o le a sa tatou tala e fai e uiga i le tofiga o le tagata lotu lautele? I le tau sailia o se auala e faamani ma faamalalamalama atili ai le uiga o le 'tofiga', e mafai ona tatou faitau i se pepa tusia mai le Fono a Epikopo Katoliko o Egelani ma Uelese (CBCEW), e uiga i le mataupu o tofiga e galulue faatasi ai. Ua fa'aulutalaina lea pepa o le 'Faailoga Tatou te Tu'uina Atu' (*The Sign We Give*). O loo ta'ua ai i lea tusitusiga, ua silafia lelei e Epikopō, o le upu tofiga ua loga ona tele su'esuega ma iloiloa ua faia iai e faifeau ma taitai o le Ekalesia talu mai le Vatikano II, ma ua latou mautinoa, e lē o se upu e faigofie ona fa'amatala ma fa'auiga. Ua 'alo'alosā finagalo o Epikopo e tusa o le finauga ma le fefa'aalia'iga o mafauauga e uiga i le upu lenei o le 'tofiga', ae ua tuuina mai e le CBCEW, ni vaega se lua, e fa'amata e telē lava se aogā i le talanoaga o fa'agasolo nei. Muamua, o le 'tofiga o loo tonu lona faauigaina, o le auauunaga e fa'avae i luga o le papatisoga ma le kofilimasio, o loo vala'uina iai tagata uma. I se isi fa'aupuga, e patino i tagata uma ua 'ato'ato'a ona ave ma sui auai o le Ekalesia'. O le tofiga la, o le auala lea e mafai ai e le tagata ua papatisoina, ona faailoa atu lona ave ma so'o i vaega 'ese'ese o lona olaga.

O lona lua, o loo fa'aaogaina e Epikopō le upu 'tofiga' e faatatau i galuega ma matafaioi fa'apitoa e vala'uina ai nisi o tagata lotu e le Ekalesia, latou te faia ma fa'atinoina e fai ai ma sui o le fa'apotopotoga'. O nisi o ia ituaiga o matafaioi e aofia ai, Auauunaga Fa'apitoa o le Komunio Paia, Fesoasoani ma Faitautusi, ae fa'apea ai ma Faiaoga.

### Tofiga Auauunaga Fesoasoani

O loo fa'amanino mai e Epikopō, le 'ese'esega o tofiga fa'au'uina ma tofiga lē fa'auuina. O le sefulu tau-saga mulimuli ane, i se tusitusiga a le Fono a Epikopō o le Iunaite Setete o Amerika (USCCB), na o latou lagolagoina ai le finagalo o Pope Sagato Paulo II i le 'auga ma le autū o tofiga o tagata lotu lautele. O le latou matafaioi, o le fa'aofi fa'ailoa ma saga tala'i atu o a'oa'oga a le Ekalesia i o latou uso a tagata. Peitai, sa talia lelei ma ioe Epikopō, i le taua o le auauunaga a tagata lotu, i tofiga ma isi matafaioi ma matātā, e le manaomia ai ona fa'au'u aloaia, ae o ia auauunaga e afua ma fa'avae mai i Sakalameta a le Ekalesia e aofia ai ma le Matelemonio. O loo fa'aaogaina e Epikopō Amerika le fa'aupuga, 'Tofiga Auauunaga Fesoasoani', e fa'amatala ai nisi o matafaioi e mafai ona fai, ae sa o latou fa'amamafaina mai, e le o le igoa lea mo se tulaga tofi fou o fia fa'avaeina. Ae ua o latou fa'amatalaina e faapea, 'o se mea moni ua tupu ma taolaola..'

### Fa'ai'uga

E le o se mea taumateina, o tagata uma ua papatisoina, ua vala'uina i latou mo tofiga, e tautua ma auauunaga i matātā e aofia ai le a'oa'oina o mataupu ma sauniga a le Ekalesia, atoa ma isi vaega mana'omia e lagolagosua ai i le soifuaga masani o le Ekalesia ma ona tagata lotu. Ua manino mai i ia tulaga uma, o le tofiga o tagata lotu lautele, o se fa'aupuga ma se fa'alagina ua fetauti ma talafeagai, ma e mautinoa e tatau ona tatou fa'amasani iai mo le agai i luma.

## ASO 4 NOVEMA ASO SA 31 TAUSAGA MASANI:

**Faitauga muamua:** Teuterenome 6: 2 – 6. Matua: Isaraelu e, fa’alogologo mai ia; ia e alofa atu i le Ali’i lou Atua ma lou loto atoa.

Salamo: 18: 1 – 2 (tali), 3 (tali), 46, 50 (tali). Tali: Le Ali’i e, lo’u malosi, ‘ou te alofa lava iā te oe.

Faitauga lona lua: Eperu 7: 23 – 28. Matua: O ia ua tumau e fa’avavau, o le mea lea ua i ai iā te ia le faiva o ositaulaga e tumau pea.

Aleluia, Aleluia...Ia outou mataala, auā tou te le iloa po o le fea aso e sau ai lo outou Ali’i...Aleluia.

Evagelia: Mareko 12: 28 – 34. Matua: O le poloa’iga sili lenei; e fa’apea fo’i lona lua.

### ***Tofitofiga o le Upu:***

Ae leai se isi vaganā Iesu na tu’u fa’atasia poloa’iga ia e lua ma avea ma tasi. O le Talitonuga iā ia o le alofa lea i le Atua ma le tasi i le isi. Se manū e fa’apea mai na pau le ‘auala e fa’amaonia ai le alofa i le Atua o le fa’aalia lea ole alofa mo isi.

Sa talia lelei e le ‘au tusi upu lea mea, ma na latou fa’apea mai ai o se alofa fa’apea ua sili atu i lo le taulaga. Ona o lea ua laina tutusa ai ma manatu maualuga a ona tagata. I aso anamua lava, na fai mai Samuelu, “E tusa ‘ea ona fiafia o le Ali’i i taulaga mū ma taulaga, i lona fiafia i fa’alogo i le si’ufofoga o le ALI’I? Fa’auta o le fa’alogo e sili lea i le taulaga ma le usiusita’i e sili lea i le ga’o o mamoe po’a” (Samuelu 15: 22). Na fa’alogo fo’i Hosea o fa’apea mai le Atua, “Auā o le alofa ou te loto i ai, ae lē o le taulaga” (Hosea 6:6).

Ae e masani ona faigofie ona tatou tu’uina atu sauniga e suia le alofa. E masani ona faigofie ona fa’amuumua faigā talosaga ma vi’ivi’iga o se mataupu tau falesa i lo se mataupu o le olaga atoa. E mafai e le ositaulaga ma le Levi ona pasia le tagata malaga o lo’o manu’a i le ala ona o lo’o fa’atopetope atu i mo le suaniga a le Malumalu. A o lenei tusi upu ua si’i a’e lona tulaga, ma o le mafua’aga lea na alofagia ai e Iesu.

Atonu sa iloa atu se va’aiga alofa i mata o Iesu ma se tagi a o ia fai atu iā te ia, ‘Ua mamao lava lau alu. E te le fa’aaauu pea ma talia o’u ala? Ona avea lea o ‘oe ma tagatā nu’u moni o le malō.’

### ***Metitasio mo le Aso Sa 4 Novema***

#### **OLAINA O LE TULAFONO SILISILI**

O se mitamitaga tele le lagona mautinoa i fa’alogona sili ona fa’ananau i o tatou tagata, lea e tosina ai i tatou i le alofa, e mālie i le Atua. Tatou te lagona se mea e ofo ai, lea e tumu ai i tatou i le fiafia, o se tasi o mea taua o lenei alofa o le agamalu lea.

Ou te maitauina le silisiliese o lenei mea pe a ou la’asia fa’amatalaga o ata i le Feagaiga Tuai: *E ui ina tu’ua a’u e lo’u tama ma lo’u tina, ae talia au e le Alii (Salamo 27:10); E mafanafana i lona fatafata pe a fafagaina ma fusi i ona vae. E pei o se atalii na fa’amafanafanaina e lona tina, o le a ou fa’amafanafanaina oe i le fa’amaoni ma le amiotonu (Hos 2:21); E na’o le a’uupega o le alofa, o le a taitai atu ai o ia i le vao; a o’o i lea mea, ua na’o upu uma fa’amafanafana (Hos 2:16).*

Ma o fuaiupu nei e musuia ai se fa’amautinoaga ma se talitonuga, o lo tatou alofa e vale pe a aunoa ma le silafaga a le Atua; e tatau ona tatou vi’ia o ia ma o lo’o faatalitali mai i lo tatou alofa e tali atu i lona alofa: *ou te le ta’ua outou o auauna ma sili atu ... Ou te ta’ua outou o uo (Ioane 15:15); Tou te le’i filifilia au, leai, ua ou filifilia outou (Ioane 15:16); matagofie ... olioli i mea e mau ai tagata i lona lalolagi, i lou fiafia foi, sa i le fanau o tagata lea (Fa’ataoto 8:31).* Ma se fa’anaunaga ia malamalama i le alofa moni o le Atua ma le fa’anoanoa ona o lo tatou manatu fa’apito ua faigata ai ona tatou fa’asoa atu i le lalolagi.

## ASO 11 NOVEMA ASO SA 32 TAUSAGA MASANI:

**Faitauga muamua:** 1 Tupu 17: 10 – 16. Matua: Na fai e le fafine ua oti lana tane o le potoi areto itiiti, ma aumai ai iā Elia.

Salamo: 146: 7 (tali), 8 – 9 (tali) 10 (tali). Tali: Lo’u agaga e, ia e vivi’i atu i le Ali’i.

Faitauga lona lua: Eperu 9: 24 – 28. Matua: O Keriso, ua tasi lava ona avatua o ia ma taulaga, ina ia aveina ai agasala a le to’atele.

Aleluia, Alelui...Ia outou mataala e lē aunoa ma tatalo ina ia tutū i luma o le Atali’i o le tagata...Aleluia.

Evagelia: Mareko 12: 38 – 44. Matua: O mea a lenā fafine mativa ua oti lana tane, ua lafo i le mea e teu ai tupe, ua sili ia iā i latou uma na lafo i ai.

### ***Tofitofiga o le Upu:***

Ua alagatatau ona fa’afetaia latou ua agalelei sa foa’i ina ia maua ni faletusi, fale mata’aga ma fale mo galuega fai a o tatou sosaiete, ia i latou ua fa’avaeina sosaiete fa’aputu tupe mo a’oa’oga, soifua maloloina ma le fa’aleleia atili o tagata. O le tele o a tatou ekalesia ma falesa ma nofoaga ma pule’aga ua mafai ona fa’atino le tele o a latou ‘au’aunaga i le tala lelei, e fa’afetaia ai latou ua agalelei. Ae ui i lea, o faitauga o le asō ua au-maia se isi va’aiga e ‘aua ne’i fa’agaloina. E lua vaega maitauina na alia’i mai: ‘ua na o nai mea’ai...ona tatou feoti lea’ ma ‘ua ia lafo ana mea uma sa iā te ia, o ana mea uma e ola ai.’ E lē o se alofa lea mai se anoanoa’i, foa’i atu ae le o mana’omia; o fafine uma e to’alua na filifili e foa’i se mea ua talafeagai mo lo latou lava olao-la lelei. I o tatou tu ma aga e pei ona i ai nei o lo’o i ai fa’apopotoga o lo’o sa’ili mo le alolofa atu mai iā i tatou uma, ma o ata o le ‘au sulufa’i ma latou o lo’o puapugatia i le fia ‘a’ai ma fa’ama’i o lo’o maua i le tele o nofoaga ma atunu’u. E le o se fesili e logo malie ia i tatou le fesili pe fia se mea tatou te mafai ona foa’i? O le ata o nei fafine to’alua i faitauga o lenei aso e loloto ia o sona fa’amalosi’au ma se lu’itau mo latou o lo’o taumafai ina ia ola e pei o so’o. E le fa’ate’ia ai ona o tatou o Kerisiano ua vala’auina pea i tatou ina ia fa’ailoa i tatou fa’atasi ma Iesu o se fa’ata’ita’iga, e pei ona fa’amatala mai, sa tula’i mai o ia o le Atua...ua sasa’a atu o ia e ia lava...ma talia le maliu i luga o le koluse (Filipi 2: 7)

### ***Metitasio mo le Aso Sa 11 Novema***

#### **O LE TAULAGA A LE FAFINE UA OTI LANA TANE**

Lo’u afafine e, ou te manao e aoaoina oe i le auala e te lavea’iina ai agaga e ala i le taulaga ma le tatalo. O le a e lavea’iina le tele o agaga e ala i le tatalo ma mea fa’atiga e sili nai lo se faifeautala’i e ala i ana aoaoga ma ana lauga. Ou te fia vaai atu ia te oe o se faitaulaga ola o le alofa, lea na te tauaveina le mamafa i o’u luma. E tatau ona e fa’afitia oe, fa’aumatia, ola e peisea’i ua e oti i le mealilo pito sili ona loloto, i le mea e le’i vaia e mata o tagata; ona ou maua lea i totonu ia te oe se taulaga fiafia, o se taulagamua e tumu i le suamalie ma le manogi. Ma o le a sili atu lou mana e te ole atu i ai mo so’o se tasi. I tua atu, o lau osigataulaga e tatau ona foliga fa’apenei: filemu, lilo, fa’atumulia i le alofa, fa’ausiaina i le tatalo. Ou te fa’atonuina oe, si a’u tama e, ia mama lau taulaga ma ia tumu i le lotomaulalo, ina ia mafai ona ou fiafia i ai. O le a ou le fa’asaoina lo’u alofa tunoa, se’i loga e mafai ona e fa’ataunu’uina mea ou te poloa’i atu ai ia te oe.

O le a ou le aoaoina oe po’o a mea e tatau ona aofia i lau taulaga i le olaga o aso faiso’o, ina ia puipua ai oe mai mea taufa’asese. E tatau ona e taliaina uma mafatiaga ma le alofa. Aua ne’i mafatia lou loto, pe masani foi ona fouvale auā e le tatau mo taulaga. O lona mana uma lava o lo’o i le loto, ma o nei lagona sualua, o le a taolaola ai. Iloa i lou tino ma lou agaga, o le a masani i totonu o le afimumu. E ui o le a le lagonaina lo’u i auai i nisi o taimi, ae o le a ou fa’atasi pea ma oe. Aua e te fefe; o lo’u alofa tunoa o le a i ou luga ... (Tusitusiga, 1767 Sagata Faustina Kowalska).

## ASO 18 NOVEMA ASO SA 33 TAUSAGA MASANI:

**Faittauga muamua:** Tanielu 12: 1 – 3. Matua: O ona po fo'i ia e lavea'iina ai ou tagata.

Salamo: 16: 5, 8 (tali), 9 – 10 (tali), 11 (tali). Tali: Le Ali'i e, ia e leoleo mai iā te a'u, auā 'ou te fa'atua iā te oe.

Faitauga lona lua: Eperu 10: 11 – 14, 18. Matua: Auā o le taulaga e tasi ua fa'aatoatoaina ai e ia e fa'avavau o e ua fa'apa'iaina

Aleluia, Aleluia...Ia e fa'amaoni se'ia o'o i le oti, ona 'ou avatu ai lea iā te oe o le pale o le ola...Aleluia.

Evagelia: Mareko 13: 24 – 32. Matua: E fa'apotopotoina e ua filifilia e ia mai matāmatagi e fa.

### ***Tofitofiga o le Upu:***

O lo'o i ai se mea e faigata ona malamlamaina e uiga i upu a Iesu na tusitusia e Mareko i le evagelia o le asō. Sa fa'apea o lo'o talanoa mai i se mea e tupu i tupulaga o le lumana'i. Ona ia aumaia lea o se fa'ata'oto ma vala'aulia ona so'o e tulimata'i le taimi e tupu ai, aemaise le tulaga e 'a'afia ai nisi o 'lenei' augatupulaga. Ona fa'ai'u ai lea i lana fetalaiga e leai se isi e iloaina le itulā – e o'o lava i le Atali'i. O se tasi nei o lu'itau ua avea ma vaega o le tala'aga a Kerisiano ma e masani ona fa'afetaui atu iā i latou o lo'o sa'ili e fia iloa le taimi mulimuli. O se sini autū fo'i lea o le tatou feiloa'i atu i le amataga o le Atevetu. O se vaega o lea lu'itau o le Atua i taimi uma o lo'o afio ai pea, o le tagata ola, mai le tala fa'asolopito, o le va'aiga e le o mafai ona mafaufauina le fa'avavau. O lo'o i ai fo'i se vaega tāua o lo'o fa'ataua-nau mai o le fa'atutumuga lava o le Atua lava e fuafuaina mea fa'apenei, ma e tatau iā i tatou ona malilie i ai – atonu o se fa'amanatu faifai malie i le loto malō o tagata e mana'o e pulea mea uma. Manatu mulimuli, o se vaega tāua o lenei fua fa'alemafaufau Kerisiano, o le taumafai e ola a'i i lea aso i lea aso i lona atoaga – ia talia aso ta'itasi o se meaalofoa mai le Atua ma fa'aogā avanoa lelei ua aumai ai. O le manatunatu i le fa'ai'uga e mafai ai ona fesoasoani e maua ai se isi va'aiga lelei mo le lumana'i ma le taimi nei.

### ***Metitasio mo le Aso Sa 18 Novema***

Pe a tatou mafaufau loloto i le maoa'e o lenei folafolaga, e tatau ia i tatou, fa'atasi ai ma agelu, ona ola fa'afou mai le misiona a lo tatou Alii. E mafai ona pulea i tatou i le mautinoa o lo'o fa'atasi le Alii ma i tatou, o filifiliga nei o le alofa tunoa; ma e tatau ona tatou taumafai atili, i so'o se mea tatou te faia, i so'o se talanoaga, i tusi uma tatou te faitauina, i so'o se ituaiga o galuega e tatau ona tatou faia, ua sili ona fa'alelalolagi, ia ola i o tatou mafaufau: o lo'o fa'atasi o ia ma i tatou; ua i ai so tatou sao i lana misiona, ma e tatau ona tatou faia fa'atasi ma ana agelu.

O le mea lea, e le o tatou o ni tamaiti aoga e fai a latou feau; ae, ua auina mai i tatou mo le olaga atoa. O la tatou galuega e le o ta'oto i tua atu o i tatou; e leai se mea i o tatou olaga e mafai ona aveesea mai ai; o mea uma o lo'o ta'oto i totonu i taimi uma. Afai tatou te taumafai pea e ola i lenei manatu, ina ia fa'ao-laina i metitasio ta'itasi, ma ia fa'afetai mo lenei mea. Ma o le a tatou ola e aunoa ma se taua i aso uma, ma, o le a anoanoa'i i le tele o taimi, ae ia tatou nofouta i ai.

O lenei ma'i, e le mafai ona tatou lagona tatou te le sili atu nai lo isi; i se isi itu, o le a a'oa'i ai i tatou i le misiona o le lotomauualalo ma le alofa tatou te manaomia ina ia mafai ai ona tatou tumau ma avea o se nofoaga tutotonu. O le galuega, i le tasi itu, a'o le alofa ma le lotomauualalo, i le isi itu, e tatau ona fuifuilua pea ina ia fua mai.



# FAITAUGA MO LE MASINA NOVEMA 2018

## ASO 25 NOVEMA ASO SĀ O IESU LE TUPU:

Faitauga muamua: Tanielu 7: 13 – 14. Matua: O lana pule o le pule fa'avavau lea.

Salamo: 93: 1 (tali), 2 (tali), 5 (tali). Tali: O lo'o fai le Ali'i ma tupu, e ofu o ia i le mamalu.

Faitauga lona lua: Fa'aaliga 1: 5 – 8. Matua: O ia o le pule i tupu o le lalolagi. Na ia faia fo'i i tatou ma nu'u fa'atupu, o ositaulaga i lona Atua.

Aleluia, Aleluia...Ia manuia le afio mai i le suafa o le Ali'i; ia manuia le malō ua o'o i lo tatou tamā o Tavi-ta...Aleluia.

Evagelia: Ioane 18: 33 – 37. Matua: O lea lava, o a'u o le pule.

### ***Tofitofiga o le Upu:***

O faitauga mai le perofeta o Tanielu ma le Tusi o Apokalifa ua tu'uina maia se va'aiga fa'asolo ma le mao'e o lē na fa'au'uina – o le Keriso; ma sa fa'aogā ma le maiutinoa, e pei ona talafeagai ai ma le aganu'u o lena taimi, o gagana fa'atupu a maota o tupu. (E ao fo'i ona maitauina le fa'aliliuga o le Tusi fai Misasa talu ai, e le talafeagai mo aganu'u i aso nei). O le evagelia mai ia Ioane ua fesoasoani e toe tagataga'i i le mataupu. O gagana fa'atupu o lo'o fa'aoga pea, ae le o le gagana lea o le mamalu ma le malosi, ae o le gagana o le 'tu'ulima atu' ma o le upu autū o le faitauga o le upu 'moni'. Na mafai ona tu'ulima atu Iesu iā Pilato ona na ia tu'uina atu o ia lava i lima o tagata; ae o le malosi ua fa'aogaina ia te ia e le aogā, ona o le fa'atutumuga lava, e manumalō le mea moni. Ioe o Keriso le Tupu, na ia fai atu ai iā Pilato, ae e lē o i le lalolagi nei. E fa'apea fo'i, e pei ona ta'ua e le tusi o Apokalifa i le 'au faitau – o latou o tupu ma ositaulaga e 'au'auna atu i le Atua ma le Tamā – ae e lē o ni tupu i le manatu e malamlamaina ai e Pilato. I le fa'amanatuina ma le patipatia o Keriso le Tupu, ua vala'uina ai i tatou e toe manatua o le Tasi ua tatou fa'amanatuina o le tupu o sē e 'pei o se atali'i o le tagata', o lē na 'tuia', o lē na 'tuu'ina atu' ma lē na molimau i le moni. E mafai ona tatou fa'aogaina upu fa'atupu ma maota e uiga iā Iesu, ae a tatou fa'aogaina ma le atoatoa ana upu ma 'fa'alogi i lona leo', o le mafua'aga ona ua tatou fa'aioaina o Iesu o lona uiga o le Moni, e lē o le tupu i le manatu fa'alalolagi nei.

### ***Misitelio mo le Aso Sa 25 Novema***

#### **O Keriso lo tatou tupu**

E talitonu o lo tatou tupu e pei o se fitafita moni o lo'o tau pea le taua seia o'o ina fa'atoilaloina fili. O le taimi lava e 'ai ai e ia lenei mea'ai, fa'atasi ma lona tino mafatia na fa'atoilaloina ai lo tatou fili i la le tino. Fa'atasi ai ma le lotomauualalo moni, o ia, le Atua, na punou ifo i o tatou tagata i mafatiaga ma le ma'asiasi, ma fa'aeaina le mitamitaga ma fiafiaga fa'alalolagi fa'atasi le mamalu. Ma o lona poto na ia manumalo ai i le loto leaga a le tiapolo. Ma o le lima e le'i fa'aauegaina, na tutu'i i le koluse, na ia fa'atoilaloina le perenise o le lalolagi, fa'atasi ma le la'au o le koluse paia o lona mauga lea.

O le tatou fitafita lenei na fa'aa'uuegaina i le uffatafata o le tino o Maria, le tino na tauaveina le tugā ua lanu ai la tatou amioleaga. O le paleali'i tiga i lona ulu ma le matuitui, ua o'o i totonu o lona faiai. O le pelu i lona itu, o le manu'a lea, fa'aalia mai ai ia i tatou le mea lilo i lona loto; o se pelu ma se malamalama e tataua ona tuia ai o tatou loto i le malosi o le alofa. O fitafita sa i ona a'ao o lo'o i ai le tauemu. Ma totigilima ua i ona lima ma alofilima i ona vae ua auga i le upu malū o le alofa. O a mea na fa'aauegaina ai o ia? Alofa. O le a le mea na taofia o ia a'o lo'o tutu'i filemu i le koluse? E le o fao po o le satauro, e le mafai e ia mea ona aga-va'a e taofia le Atua-Tagata, ae o le noataga o le alofa mo le mamalu o lona Tama ma lo tatou fa'aolataga. O le alofa ia i tatou o le papama'a na taofia sa'oa o ia i luga o le koluse.

O ai le vale e le fafagu i le loto vaivai ina ia fa'amalosi e tau ma so'o se fili i autafa o lenei fitafita ma le kap-eteni i lea lava taimi e tasi na o'o ai i le oti ma manumalo ai? Leai se isi! O le mea lea na ou fai atu ai ia te oe e avea Keriso fa'akoluseina ma ou ta'iala.

Fa'ailoa lou ofutalaloa i le toto o Keriso na fa'asatauroina, o le a fa'apena ona e fa'atoilaloina ai ulua'i fili... Auā ua manumalo Keriso ia i latou mo i tatou ma ua fa'asaolotoina ai i tatou e ala i le lavea'iina o i tatou mai le tautua fefinaua'i i le tiapolo. Ma afai o le a taumafai pea le tiapolo e osofaia i tatou, ia tatou toe maua le a'uuega ma le ofutau o le Alo o le Atua.

# Tauologologo

## FAITAUGA MO LE ASO SA MUAMUA O TESEMA – 2018

### Aso 2 Tesema Aso Sa muamua o le Ateveu:

Faitauga muamua: Ieremia 33: 14 – 16. Matua: Ou te fa'atupuina iā Tavita le La la'au amiotonu.

Salamo: 25: 4 – 5 (tali), 8 – 9 (tali), 10, 14 (tali). Tali: Le Ali'i e, out e fa'anaunau atu iā te oe ma lo'u loto.

Faitauga lona lua: 1 Tesalonia 3: 12 – 13; 4: 1 – 2. Matua: Ia fa'atumauina o outou loto i le amio lelei pe a afio mai lo tatou Ali'i o Iesu.

Aleluia, Aleluia...Le Ali'i e, ia e fa'aioa mai iā te i matou lou alofa; ia e foa'iina mai fo'i iā te i matou le olataga mai iā te oe... Aleluia.

Evangelia: Luka 21: 25 – 28, 34 – 36. Matua: E latalata ina fa'aolaina outou.

## O LE FA'ASOLOGA O MISASA MO NOVEMA 2018

1 <sup>st</sup> . Sunday	0.8.30am	Strathmore	Patele Petelo
4 <sup>th</sup> Novema 2018	10.30am	Taita	Leai se Misasa
	11.30	Titahi Bay	Patele Maleko
2 <sup>nd</sup> . Sunday			
11 <sup>th</sup> Novema 2018	11.30am	Naenae church	Patele Petelo
3 <sup>rd</sup> . Sunday			
18 <sup>th</sup> Novema 2018	9.00am	Te Wairua Tapu - Petone	Patele Petelo
	11.30am	Heretaunga	Leai se Misasa
4 <sup>th</sup> . Sunday			
25 <sup>th</sup> Novema 2018			
	11.00	Lower Hutt	Leai se Misasa
	11.30	Stokes Valley	Patele Maleko

## KALENA A LE MATAGALUEGA MO NOVEMA 2018

Aso Faraile 9th Novema 2018—Fono Matagaluega

Aso Faraile 16th Novema—Aoga Aso Sa

Monday 19th –Novema— Fono Autalavou

Misasa Fa'ai'u Matagaluega—Aso Sa aso 2 Tesema @ 2.00pm i Petone